

DISSERTATIO INAUGURALIS MEDICA,
DE

ANAEMIA

Quam

AUSPICE DEO PROPITIO

Et Consensu atque Auctoritate Gratosæ Facultatis Medicæ,
IN ALMA REGIA FRIDERICIANA,

P R Æ S I D E

DN. D. MICHAELE ALBERT

SACR. MAJ. REG. BORUSS. AULICO ET CONSIST. MAGDE-
CONSILIARIO, MED. ET PHILOS. NATUR. PROFESSORE
PUBLICO ORDINARIO, ETC.

DECANO H. T. SPECTATISSIMO,

Domino Patrono ac Promotore suo omni honoris cultu prosequendo

PRO GRADU DOCTORIS

SUMMISQUE IN MEDICINA HONORIBUS ET PRIVILEGIIS DO-
CTORALIBUS LEGITIME IMPETRANDIS,

HORIS LOCOQUE CONSUETIS

ANNO MDCCXXXII. D. OCTOBR.

PUBLICÆ AC PLACIDÆ ERUDITORUM VENTILATIONI SUBJICIET

AUCTOR ET RESPONDENS

JOANNES CONRADUS DAUMIUS,

GORLICIO-LUSATUS.

HALÆ MAGDEBURGICÆ,

TYPIS JOH. CHRISTIANI HENDELII, ACAD. TYPOGR.

AIMCHAY

THE FIRST PART

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

THE FIRST PART OF THE HISTORY OF THE
 PEOPLE OF THE NORTH

FLORENTISSIMÆ REIPUBLICÆ
GORLICENSIS

DOMINIS

CONSULIBUS,
PRÆTORI,
SYNDICO,
SCABINIS,

UNIVERSOQUE ORDINI SENATORIO;

VIRIS MAGNIFICIS, INLU-
STRI, EXCELLENTISSIMIS, PRÆNOBI-
LISSIMIS, AMPLISSIMIS, CONSUL-
TISSIMIS,

*PATRONIS SUIS OMNI STUDIORUM
GENERE MAXIMO COLENDIS OPERE*

DISSERTATIONEM HANC INAUGURALEM
MEDICAM

DAT, DICAT, DEDICAT

AUCTOR ET RESPONDENS.

THE UNIVERSITY OF CHICAGO

LIBRARY

OF THE

PHYSICS

DEPARTMENT

OF PHYSICS

CHICAGO

UNIVERSITY OF CHICAGO

PHYSICS DEPARTMENT

CHICAGO, ILL.

LIBRARY

OF THE

PHYSICS DEPARTMENT

CHICAGO, ILL.

UNIVERSITY OF CHICAGO

LIBRARY

PHYSICS DEPARTMENT

CHICAGO, ILL.

PATRES SENATORII ORDINIS
GORLICENSIS CONSCRIPTI.

PATRONI OMNI, QVA PAR EST, MEN-
TIS RELIGIONE DEVENERANDI!

H Aut reor fore, cuiquam ut sit mirum, cur
VOBIS, PATRES CONSCRI-
PTI! hanc de sanguinis privatione com-
mentationem, quam ære curavi exprimendam,
sacratam velim, quum, qui a Musis, quæ aut
sacras literas colunt, aut leges Justitiæ tuen-
tur, aut medendi artem callent, aut humani-
tatem pariter & Philosophiam celebrant, haud
unquam alienum præ se ferunt animum, probe
sciant, quanto amore, quanto cultu, quantoque
sumtu ad magis magisque in dies augendum rei
literariæ splendorem, nullo non tempore feran-
tur. Quidquid enim usquam Musæ Literarum
elegantiae tradiderunt, quod oculis clarorum Vi-
rorum sit dignum, VOS non solum, tanquam
loti amœnitate capti, vehementer adfectatis, sed

etiam VOS VESTRA edecumata doctrina,
qua polletis, & VESTRA in camenas mentis
pietate, non paucis GORLICII natis, sti-
mulos addere nulli dubitatis, ut in Musarum li-
beralium celebritate versentur, dulcique utan-
tur earum consuetudine. VOBIS quidem lex
æterna multos concatenatos, qui REI VE-
STRÆ publicæ bene gerendæ a VOBIS di-
cantur, honores VESTRIS imposuit hume-
ris; tamen VOS perenne VESTRVM deli-
cium in bonis literis, in iisdemque perpetuam ca-
pitis mentis voluptatem. Qua de re meas, quas
de Sanguinis Defectu consignavi literis, animi
meditationes, serenis oculis VESTRIS subji-
cere, VESTRVMque singularem in camenas
favorem experiri, nullus dubitavi. Quemadmo-
dum enim absens arborum succus radices, corti-
ces, alburnum, medullamque enecat, & quo mi-
nus vigeant, floreant, crescant, efficit: eadem
ratione sanguis, nostræ Vitæ Balsamus, & vi-
talis succus, nobis omni ex corporis parte minu-
tus, enerves reddit fibrillas, partes esiccat soli-
das, tantamque, quanta est, nostram misere de-
struit

struit machinam. Quis est, quæso, mortaliū,
qui sine rerum gerendarum nervo, pecunia scili-
cet, vivere, & sine sanguine corporis membra
movere, & sine frigido bacchæarum uvarum suc-
co, nempe vino, corpus & mentem in hac vita
sibi exhilarare velit? Quantum itaque in hac de
sanguinis penuria enodatione, præstiterim, apud
VOS erit judicium. Ego vero VOS, OPTU-
MI PATRES CONSCRIPTI! tamquam um-
briferas cedros, instar hederæ, quam ambitio-
sam cecinit Lyricorum Vatum Princeps, ambi-
re pie, VOSque ea, qua par est, animi sancti-
monia, ob benevolentiam VESTRAM in Mi-
nervæ filias, hac opella non possum non prosequi.
Hæc enim hujus VOBIS devotæ lucubrationis,
cujus in præsentī princeps sum, possunt satis esse
rationis, mihi vero nec unica fuit, nec inter mul-
tas palmaria. Quapropter ut publicum religio-
nis mentis, qua VOS prosequor, existat VO-
BIS monumentum, hanc de paucō sanguine in
homine quæstionem, non potui, quin VOBIS
sacram esse satagam, mihiq̃ue insimul, ut ea,
qua soletis, omnes literarum cultores amplecti,
huma-

*humanitate & indulgentia eamdem adcipiatis,
adceptamque in bonam interpretemini partem, ex-
petam flagitem atque contendam. Ceterum Nu-
men ter Optimum terque Maximum VOS omnes,
PATRONI OPTIMI! salvos & ab
omni morborum genere servet in seros an-
nos immunes, quo tota Res Gorlicensis publi-
ca in VOBIS illos, de quorum curis, laboribus,
præsidisque in sinu semper gaudeat, teneat, ego-
que in VOBIS grande meum Præsidium inve-
niam.*

**VIRI MAGNIFICI, INLUSTRIS, EX-
CELLENTISSIMI, PRÆNOBILISSIMI, AM-
PLISSIMI, CONSULTISSIMI.**

**DOMINI PATRONI PIA RELIGIO-
SISSIMAQUE PIETATE VENERANDI**

VESTRORUM NOMINUM

Cultor perpetuus

JOANNES CONRADUS DAUMIUS.



PRÆFATIO.



Um alio tristium furiarum genere mortalium exsangues torquentur, qui sæpe numero lamentabundi clamitant: nobis sanguis omnis evasit; nobis vitæ liquor exsiccat; nobis carnes & ossa ob sanguinis bonitatis defectum pallent; nobis in nostris mentis domiciliis, quæ sunt humana corpora, ob sanguinis penuriam prope fractis, languet animus; nobis tanta, quanta est, nostra machina ob vitæ succi privationem, miseram minatur ruinam? Non mirum cuiquam esse debet, cur tam multi tetro pallore, lento gradu, tetrico vultu, exsanguis facie, enervibus membris,

A

cada-

cadaveroso habitu, rigida siccaque cute, tristi animo, anheloso spiritu, ante alios, qui roseo colore, celeri gressu, vivido vultu, suffusa grata albedine, & virginali rubore effigie, firmis artubus, amabili habitu, molli cuticula, læto animo, liberoque spiritu conspiciuntur, longe insignes deprehendantur. Deest enim illis vitalis ille succus, qui rigidas fibras mollit, partes motui sacras inlinit, arteriarum venarumque mæandros curate permeat, motum cordis servat, totamque corporis nostri compagem mirabili suo circulo factam tectamque ad diem usque supremum tuetur. Nemini tamen dubium erit, quin eadem omnia, quæ justos limites finesque excedunt, per abundantiam pariter ac per defectum haut mediocri detrimento nobis mortalium esse possint, quæ nempe nihil aliud agunt sæpe, quam ut aut aliqua ex parte res depravent, aut depravatas plane destruant. Eadem indoles est nostro purpureo vitæ liquori, qui, nimis abundans vasa sanguifera, & fibras omnes nimis dilatat, multasque nobis excitat tempestates, & nimis nobis defici-

deficiens vires partium frangere, iisdem pallorem inducere, nosque totos enecare valet. Qua de re in sanguinis deficientis naturam inquirere volo, utrum etiam huius rubicundi vitæ succi decrementum, nostræ valetudinis genium offendere possit, nec ne. Deprehendimus in sanguine particulas, quæ natales suos aut oleo, aut sali, aut terræ, aut fero cuidam debent. Deprehendimus porro in sanguine tam artificiosam harum particularum inter se forma, magnitudine situque difformium concatenationem. Deprehendimus tandem varias circumstantias, quæ hanc humanam sanguinearum particularum discordium conspirationem prodigialiter, ut ita cum FLACCO consulto canam, variare valent. Porro itaque liquorem omnem, qui nostræ humanæ naturæ servandæ opitulari debet, qualitate & quantitate deficientem, rebus omnibus, quæ illo habent opus, nocere posse. Subsumo sanguinis, qui per suam indolem nostra vasa transire, fibras conrobore, motum cordis tueri, per varias res externas pari-

ter ac internas excitari posse privationem. Ergo non mendose conligo, sanguinis defectum nostris corporibus omni ex parte esse inimicum; conligo multis rationibus nostra valetudine obicem ponere; conligo non curiosorum tantum oculorum acie, in contemplanda hujus liquoris penuria, sed mentis etiam acie in hujus morbi curatione nonnunquam opus esse. Candidum lectorem mihi exopto, polliceorque mihi meditationum mearum, quas cum placidis eruditis quibusdam communicaturus sum, bonum, humanitatis integrum, acriumque salium, quibus ut fit, multorum doctorum scripta, tamquam feramo & papavere hodiernæ urbanitatis consperguntur, purum interpretem.

CAP. I.

D E

PRINCIPIIS.

§. I.

SI quis mortalium arborem ambitiosissimam quamdam perlustraturus, ubi plures sunt rami, plures fructus, plura folia; sine curatiori mentis contemplatione corpus e vegetabilium quod-

quoddam limitibus esse dicat, nec ulterius, cur ita crescat, & non aliter radices agat, eandem considerare velit, parum emolumenti ex hujus creaturæ ad-
spectu sibi capturum, nullus dubito. Tantum non humanum corpus ab quadam arbore parum est ab-
simile: sunt sanguifera vasa ramorum speciem præ-
seferentia; sunt mirabiles effectus, tamquam toti-
dem arboris fructus, corporis compagem continen-
tes & servantes; sunt tot tamque utiles & inutiles
pori, papillæ, fibrillæ, particulæque mirandam fo-
liorum varietatem nobis repræsentantes; immo
multa alia extant, quæ in variis tubulis, vasculis,
stratis, lamellis, membranis aliisque minimis æ-
que ac stupendis rebus communis rerum arbitri fi-
delisque hujus ministræ naturæ nunquam frustrane-
as operas testantur. Omnes enim res in hac tot mi-
raculorum universitate creatæ sunt sufficientium
causarum, nostrum intellectum sæpenumero laten-
tium rerumque inter se connexarum tantæ concate-
nationes, ut in iisdem solvendis, enodandis, extri-
candis sæpe adquiescere necesse habeamus. Nemo
miretur, me mirari venas arteriarum crassitie, arte-
rias vero venarum capacitate posse vinci; hujus rei
duplex est ratio: tum quod arteriæ crassa circumfe-
rentia resistere queant validæ sanguinis e corde pro-
pulsioni; tum quod venæ sua tenuitate sanguinis
circulum promoveri teneantur. Arteria vero est ca-
nalis ex quintuplici membrana constructus, origi-
nem a corde trahens atque sanguinem cum impetu
ad reliquas humani corporis partes deferens. Vena

est ex quatuor membranis constans, canalis valvulis intus præditus, ab extremitatibus arteriarum ortum ducens sanguinisque globulos ex humanæ machinæ compage ad cor commune venarum asylum referens. Quæ duo sanguinem vehentia vasa sunt ita comparata, ut purpureum liquorem per totum nostri corporis ambitum transferre possint. Quemadmodum vero cuticula nostra in manuum volis pedumque plantis a labore, pressione, trituque redditur sensim paulatimque crassior: ita perpetuo sanguinis impetu ejusdemque globulorum divisione arteriarum crassities obtinetur.

§. II.

Quod vero vasa rubicundum humorem continentia ita confieri possint, testatur canalium horum mirifica structura. Quintuplex earumdem tunica, quæ teste RVYSCHIO * pariter ac WILLISIO ** e nervo, cellula, glandula, musculo, membranaque constat, reticularium, dilatabilem, tortarum, scriblitæ speciem referentium, annularium, contractilemque fibrarum tractu ministerioque cono æmulantes, ramososque canales facile effingere potest. Ab externa arteriarum parte, quamdam conspicimus membranam, quam vasculosam appellant Anatomi. Ex quadam arteriarum, venularum, nervorumque compage constat illa vasculis plena tunica. Quam sequitur ex exiguis albicantibus glandulis quædam composita membrana. Cui adce-

* RVYSCHIUS in epist. resp. XII, 14.

** WILLISIUS in Pharm. rat.

adcedit muscularis tunica e spiralibus fibris constans, quam alii, licet temere, tendineam nominare non erubescunt. Porro huic adjacet cellulis referta tunica. Quas quatuor denique claudit ea membrana, quæ deprehenditur e fibris longitudinalibus constructa. Arterias figura, mæandratis stratis, situque imitantur venæ. Attamen arteriis venæ amplitudine, numero, valvulis, tenuitate palmam præripiunt. Micant arteriæ, sed nunquam venæ. Insolenter emiremur horum vasorum structuram! Quem in finem hæc vasa egregiis ornavit nominibus gratiosa Medicorum antiquitas. Vocat arterias arculas arteriosque sanguinis micantia receptacula HIPPOCRATES. * ARISTOTELES dicit easdem aëris ductus. Gens ARABUM vocat easdem pulsatiles nervos. Audaces venas nuncupat easdem AVICENNA. Spirituum semitas easdem citat cum naturæ illo interprete PLINIO recentioris ævi GALLIÆque decus LAURENTIUS. **

§. III.

Verum enim vero id duplex sanguine turgescientium vasorum genus ita se debet habere, ut nec tunicæ, nec latitantes in iisdem membranis sanguinei globuli nobis detrimento possint esse. Quod si enim læsæ fuerint tunicæ; tunc temporis sanguinis circulus non ita commode perfici potest, ut irrigare possit rite solidas humani corporis partes, pulsatilis sanguinis facultas dilatet quidem hæc vasa, sed eadem

* HIPPOCRATES in libello de alimento.

** LAURENTIUS in op. Anat. 261.

dem impletionem juxta multorum mentem non complet, sed observante acuti ingenii Medico de MOOR * quia dilatantur, rutili liquoris pressione complet. Hinc pertinet ad horum vasorum perfectionem, validum tunicarum robur, sincerus situs & genuina sanguinis particularum indoles. Quibus rebus rite stantibus arteria cum impetu sanguinem e corde ad partes, vena vero sine pulsu e partibus in sanguinis receptaculum cor scilicet valet perferre.

§. IV.

Nemini potest esse dubium, quin adsumtus cibus mutetur in chyli materiem; chylus varias e cibis particulas secum ducat, & quasdam commotas vique perenni mobiles, ut solidæ, læves, rotundæ sunt; quasdam tardas, parva vi non vehementer mobiles ut porosæ, angulosæ scabræ, viscidæ audiunt, in se contineat particulas sic fictas, ut ad hydraulices, hydrostatices, Mechanicesque leges gaudere motu suo possint & ante nostros oculos talem, qualis sanguis noster est, liquorem conficere. Priores enim continentes in se futuri sanguinis stamina particulæ magna vi æque ac perenni recta via corde effugiunt; posteriores vero obliquo tramite vel plane retro in vasis pererrant. Hinc conligi potest, qua ratione ex ejusdem farinæ particulis talis confieri potest latex, quem, tamdiu vivit homo, calidum igneumque cum MARONE ** vocaverim.

§. V.

* BARTHOLOMÆUS DE MOOR in Cogitat. de instaurat. med.

** VIRGILIUS Aen. L. VI. v. 218.

§. VI.

* BERGERUS de natura humana p. 10. 11.

**** MALPIGHIIUS** Diff. Anat. Pract. de Viscer. §. 32.

quas definire periculofam aleam jacere quidam putant esse arteriolarum venularumque conglobationes five conglomerationes? Cur fanguis hos tubulos minimos fecretionis ergo mittere debet? Sanguinem porro fanguificationis officinam requirere, nullus dubitaverim. Chylus veteri fanguini admixtus per numero carentes, implicatas reticularesque angustias digeritur viscerum ministerio. Rubrum colorem adcipit a Sulphure. Id enim ex lactis bilisque commixtione & concuffione, probante RIDIGERO,* patet. Sanguinis officina nec in solo corde, quod HARVEJO, GLISSONIOque adrifit, nec GALENI hepatis fed in omnibus iis visceribus, perhibente MALPIGHIO,** vt & PRÆSIDE,*** ubi locum obtinet preffio, pariter atque conquaffatio, debet indagari. Vivi fanguinis globuli, qui extra vafa vagantes. Albuminis ovi lentam figuram demonftrant, in progreflu interne fe moventes in una hora circum jufto fæpius abfolvunt. De loco fanguinis officinæ inter fe diffidentientes nimisque fuaviter & non raro jejune, ut fit, philofophantes in dulce filentium convincant HIPPOCRATES, orator & Philofophus PLATO magni ALEXANDRI doctior ARISTOTELES, HOFFMANNUS aliique. Propter vehementiorem autem motum, qui in venis eft, aliqua ex parte feignior, fanguis faturationi rubedine tenuior

* RIDIGERUS in divina Phyfica Lib. III. c. XVI. fect. II. p. 766.

** MALPIGHIIUS diff. in operibus Anatomicis p. 32.

*** in Phyfiolog. c. 7. §. 98.

ior splendidiorque in arteriis detentus quam in venis solet esse.

§. VII.

Nos semper observamus tanto robustiores, vividiores, vivaciores esse mortales, quanto calidiore & relative copiosiore sanguine pollent. Hinc bonum sanguinem ad hominum sanitatem pertinere non mendose conligimus. Vegetus enim caloris ope sanguis & boni succi cibis sustentatus quotidie solidorum fluidorumque in humano corpore temperiem ita servat, erigit ac roborat, ut sanitatis, quæ competit nobis, signa præ nobis ferre queamus. Nullum animal sine calore vivere ac crescere potest. Id testantur hirundines, alpini mures, insecta, temperatis exclusi furnis gallinacei pulli.

§. VIII.

Quod sanguis non raro in multis abundet hominibus, testantur tumentes florido sanguine facies venis turgentes, rubentia corporis membra, suppressæ voces, spiritus difficultates, nervorum resolutiones, nervorum rigores, nervorum distensiones, malus corporis habitus, omnesque, quos acutos vocant artis Apollineæ haud expertes, morbi, non sanguinis infirmitate, sed onere sæpe numero noxii. Quæ copia in nostro corpore & latice sit, necesse est, si vel omnes sanguinis humores massam constituentes, æquitate & proportionem, quæ naturaliter sanguini debebat inesse; solus sanguis abundat; vel si unus aut duo ex reliquis succis ita augmentur, ut purior, temperatiorque sanguinis massa capiat suum

in dies incrementum. Cui sanguinis copiosi imbecillitati viam sternunt, victus plenus, boni succi alimenta, efficiuntque eundem porro corporis habitum per viscerum, hepatis, cordisque constitutionem ætas, temperatum tempus, cumulant tandem hanc infirmitatem otium, somnus, tranquilla & læta vita & omissæ sanguinis evacuationes, quibus tamen ante fuit litatum.

§. IX.

De quadam huic causæ morbosæ contraria infirmitate in præsentī gratiosi ordinis venia & pacem acturus. Mihi necesse est, ut ex GALENI, * SCALIGERI, ** CARTESII, *** recentiorum meritis & scriptis insignium Philosophorum mente a definitione tractandæ rei capiam initium. ANAEMIAN per saturam lancem, ut ajunt majores, exhibere mihi placet. Cujus vocis originem ex græco vocabulo αἷμα sanguinem significante & ab α. prima græcorum Alphabeti litera privationem notante deducere necesse habeo. Verba juxta *Epicurum* non tantum res nobis adumbrant, sed insimul etiam mortalium animorum, motus. PETRONIANUS enim TRIMALCIO longe aliis utitur verbis, quam ad rem attentus nempe ille apud TERENTIUM CHREMES & apud SENECAM furens ille HERCULES. Qui itaque supra vulgus sapere didicerunt, in meditando gravitatem, in sermone pondus, inque

* GALENUS I. M. M. c. 5.

** SCALIGER ex R. L.

*** CARTESIUS princ. p. 1.

inque verbis vero cautionem modumque observare semper debent. Latitantem sub hoc græco verbo rem ipsam perlustro. De illa corporis infirmitate dicam, qua sanguis illum colorem, quem sanum vocat elegantiarum nequitiarumque arbiter PETRONIUS, misere amisit, nempe de ANAEMIA sanguinis boni penuria. Qui sanguinis defectus deprehenditur, si franguntur vires, si minuuntur spiritus, si destruuntur actiones, si aquosæ sanguinis particulæ & terreæ & salinæ depravatæ cruda, aquosa, pallida, frigida cumulant; si solida, levia, rotunda deficiunt; si angulosa, scabra, viscida abundant; si nudis oculis malus conspicitur sanguis; si marcet animus, si torquet corpus, si sanguis ad Medicorum ut & CICERONIS, CELSIQUE judicium nimium tenuis aut crassus; si colore lividus vel niger, aut pituita mistus, aut varius deprehenditur. Qui medice enim, hoc est optime vivere didicerunt, obtinuerunt constantem bonum calore, rubore & modica crassitie sanguinem. Optimum quidem & perfecte sanum, sanguinem in corpore vel in sanissimo numquam dari, jam sana ratio æque ac experientia confirmant. Siquidem post primorum parentum lapsum jam enervandi sanguinem negligentis MURCIÆ humanum laticem exspissandi; jam in tempestivæ ERIDI purpureum liquorem necanti sæpius justo mortales indulgent. Quæ pauca per transennam in præsentis perspecta, non sola esse dixerim; sed si centum, si sexcentas, si innumerabiles depravandi occasiones sanguinem esse dixero, minus me veritatis limites excessurum esse arbitror.

§. X.

In sequiori sexuprehenditur, observante ORIBASIO, * frequentior sanguinis penuria, quoniamprehenduntur viris naturaliter humidiores; hinc sanguinis defectum largius in genis, quam viri, ostendunt; hinc sæpius æquo per Cinnabarin genas sibi fingunt purpurifatas; hinc noctis unius tactu omnia vendentes levis notæ puellæ, quas secutulejas adpellitat PETRONIUS, ** adfectant per varias artes foemineasque fraudes sanum colorem. Foeminæ sanguine multo cum sero, quod Medici junioris ætatis lympham vocant modestius, pollent. Hinc Gallicæ Veneres pallent ob sanguinis bonitatis defectum. Quam albedinem qua, tamquam reliquis avibus candidiores cygni, ceteris Europæ puellis omne punctum ferre cupiunt, iterata sæpius justo sanguinem mittendi consuetudine, nimia expiratione, cujus princeps inventor est SANCTORIUS, *** sanguinis ob nimium Gallici cœli excretionem & rerum, quas non naturales vocant; pravo usu sibi conciliant. Gypsatissimas manus, candidulos dentes, incretatas facies similes Pario marmorimammas, candicantes parco rubore genas, ament & adfectent, licet, tot tantæque Gallicæ morum venustate suaves puellæ.

§. XI.

Hinc satis patet, cur ii, qui literis impallescere solent,

* ORIBASIUS in notis ad Hippocrat. II. Aph. 3.

** PETRONIUS in Satyrico p. 44. m.

*** SANCTORIUS in Statica Medicîna.

solent, palleant. Eruditi enim in literas sæpe ita incumbunt, ut decentius corporis animique motum, ciborum potionumque vivant immemores. Hinc nimium dissipantur spiritus; hinc circulum suum non rite servat sanguis; hinc ex rubicundi liquoris lentore non tantum fit ad vasa, sed ad vires etiam insignis per totum corporis habitum penuria. Carthusianos, ordinis ergo, celebres etiam talis pallor, ob denegatum boni succi ciborum, delicatiorum carniū lactisque mellis usum investit ita, ut cadaverosos potius, & vermibus scatentes, aut phlegmate oppressos quam vivos homines, repræsentent. Qualis enim cibus, talis exinde provenit chylus; & qualis chylus talis sanguis. Quod si vero hæc prævæ indolis sint, qua ratione liquor potest evadere bonus?

§. XII.

Cur Melancholici aliquando reliquis palleant, potest facile exinde percipi. Siue melancholicorum solida consideremus; siue eorundem fluida perspiciamus: siue tardos eorundem mores expendamus; crassitudinem, lentorem torporemque iisdem familiarem deprehendimus. Hinc vasa evadunt præcrassa & nunquam pellucida; hinc exoriuntur lenti humores; hinc cutis, MALPIGHII * reticulum, & cuticula crassescunt sic, ut difficulter adpareat ex iisdem sanguis. Proinde ingenii felicitate destituti, iudicii acuminum expertes, minutissimasque fordes sæpe lucrantium rerum probe & ad insaniam memores liberalium Musarum consuetudine, tamquam

* MALPIGHIUS in observ. Anatom.

quam elegante NISA, fastus Mopsus, crassusque Livianus CACUS, ūti solent. Hæc Bœotica ingenia; hæ eretinæ hominum mentes; hique ad pistrina, quo far pinsent, fabasque sic coquant, ne in eorum capitibus ex Romanæ antiquitatis more fabas eadem cudere, habeamus necesse, & non ad sacra cæmenarum frequentanda tamquam ARCADES atque PHRYGES a me jure meritoque ablegantur.

§. XIII.

Imprimis autem ii, qui ob quasdam infirmitates animi deliquia pati coguntur, notabili investuntur albedine. Incipiunt enim vires fatiscere; rubicundus color se mutat in pallidum, arteriarumque pulsus recedit mirum in modum a natura sua. Sic labascens sanguinis sæpe palloris causa esse potest. Largiorem sanguinis evacuationem colentes hæc etiam fata non raro experiuntur. Quam infirmitatem sanguinisque tenuitatem sentiunt ad purpurei humoris missionem justo sæpius proni ITALI pariter atque HISPANI. GALENUM * proinde hac in re æmulari velle videntur mihi jam memorati, qui cujusdam Romani œconomo se tres sanguinis libras una vice horisque haut multis interjectis se ad huc unam detraxisse testatur. Quam vehementer errent ii, qui curationis limites, vel ex eo concipi potest, quia hac ipsa evacuatione mittitur per incisas venas non mediocris sanguinis massa, quæ tamen ad prolongandam vitam quam maxime conducit. Non sum quidem ex illorum numero, qui

* GALENUS in lib. de cur. per sang. mis. c. 17.

qui Medicos incidendarum venarum consilium capientes tamquam egregiæ ignorantia fratres, effera-
tæ immanitatis homicidas & fallaces sicarios æsti-
mant. Verum si hac tantum ratione in nimiam,
temerariam, intempestivamque sanguinis effusio-
nem debaccharentur, bilemque commoverent, ef-
sent ferendæ, momorum nostrorum insulsæ face-
tiæ, querelæ, non nunquam irarum furia. GAS-
SENDUM * tamen sequantur medici, fas est, qui
sæpe monet de mittendo sanguine salutaris artis fi-
lios, ne hoc vitali latice nimis prodigaliter per se-
ctas venas profuso tam morbum, quam ægrotum,
misere invadant, crucient, enecent. Amentibus ob-
stetricibus, quæ antequam recens natis infan-
tibus claudant umbilicum ad evacuandam hac
via sanguinis copiam, ridicule æque ac superstitio-
se, tamquam ad sacram ancoram, convolant, polli-
cem non possum conprimere. Liquoris enim hu-
jus emissi non est dubia ratio, qua re post modum
tam pallidi, tam debiles, tam enerves sint infantes.

§. XIV.

Si mares, qui corporis motibus destituti vivere
tenentur, ob impeditum sanguinis circuitum palle-
ant, necesse est, ut imbelles sequioris sexus perso-
næ, quæ sibi acu panem lucrandum in se suscipiunt,
ad pallidæ mortis invidiam palleant, contabescant,
ægrotent. Interim tamen corporis motus ut in do-
lore, juxta CELSUM, ** pestifer; sic alias corpori

salu-

* GASSENDUS in suis operibus.

** CELSUS in Medicina lib. VIII. c. 2.

saluberrimus est. * Ad sanitatis præsidia spectat imprimis moderata membrorum agitatio, quæ purpureos sanguinis nostri rivos tardius paulatim redditos adcelerando valet tueri valetudinem. Seligendæ sunt quidem humanæ compagis commotiones, temperamentorumque diversitates nec a præcipitibus, nec judicii sui prodigis medicis debent considerari. Mortalium nonnulli vehementioribus corporum motibus, ut fit, oblectantur. Quidnam athleticam denoret valetudinem & athleticè valere quid sit, ex ingeniosissimo MERCURIALE ** possumus adcipere. Conluctatores Olympios pulveres in arena conligentes continuo motui, cursui, multoque cibo adceptam tulerunt suam sanitatem. Interim ejusdem generis motus teneris puellis non sumus auctores & suasores, verbi causa, citati cursus, vehementis saltationis, continuæ æquitationis, similiumve aliorum corporis agitationum excessuum non commodotempore, loco inhabitabili, pestifero cœlo, humanis machinis detrimentosorum neutiquam sumus impulsores. Se leniorem in modum, si scilicet id sequiori placet sexui, commovere possunt in plano ambulando, temperata vocis cum in loquendo, tum in canendo, contentione, pilæ lusu, vectura aliisque ejusdem generis corporis agitationibus. Inprimis cum ASCLEPIADE apud CELSUM *** frictionis, gestationis in navi, lecticæ, pendulo fune
usum.

* vid. D. D. PRÆSIDIS disp. de Longævitate ex motu corporis.

** MERCURIALIS in Medicina Gymnastic, lib. I. 15.

*** CELSUS Lib. II. c. 14.

usum de meliori commendamus nota. Repugnant his salutaribus Medicorum monitis omnes sedentarii artifices, quorum morborum Iliada depinxit eleganter RAMAZZINUS.* Verum enim vero non paucorum mortalium res sic est comparata, quibus vel vitæ genus, vel ratio, vel fors objicit, ut tacite & suaviter & confidenter voluntaria cæde quadam quaque propria manu facta seipsos de vivorum medio tollant. Nonne plerumque fit, ut multi fedendo, ac cum usurpando, scribendo, se de loco in locum commovendo, meditando, incurvato corpore operando sibi met ipsis sensim paulatimque morbos concilient & tandem mortem ipsam conferant? Illi quidem fideant & laborent & parce se concitent, quibus minus sana mens est, quibus validum, & pingue tardumque abdomine corpus est, quibus ingenium quovis pharmacopæi pistillo obtusius est, quibus ad invidiam triplicis ANTICYRÆ peringeniosi FLACCI** insanabilis multo opus est helleboro.

§. XV.

Ex febre quadam laborantes investiri pallore extra omnem dubitationis aleam positum esse, arbitror. Depravatur enim per continuum corporis languorem, ob turbatum circulum, ob nimium cum frigore calorem mixtum humanus liquor, ut non possit, quin ab extremis corporis partibus ad centrum fuga sibi consulat. Hinc totum, quantum est, corpus albedine coloratur & quidem ita, ut cum lurida

C 2

mor-

* RAMAZZINUS Bern. in cap. 33. p. 256.

** FLACCUS Arte Poetic. vers. 300.

morte commercium quoddam instituisse videantur. Cui opinioni punctum suum addere mihi videtur ERASISTRATUS, * qui febrem sanguinis in arterias transfusionem adpellitat. Ut taceam SENECA, ** febrium innumerabilia genera statuentem & GALENUM centum & duodecim oculorum morbos adlegantem. Quam infinitam morborum multitudinem cum HIPPIÆ moechis, cum ægris THEMISONIS, quem contra Satyricum defendit BARTHOLOMÆUS de MOOR *** lectione dignissimus, impune, ut ex PLINII JUNIORIS **** auctoritate, si Diis placet, Medici hanc imaginariæ crudelitatis famam ita adciunt, occisis, cum BASILI fociis cumque circumscriptis HIRRI pupillis, nimis false comparat JUVENALIS *****.

§. XVI.

Rubent irati. Sanguis enim, in quibus æstuat iracundia, extremas corporis partes forti impulsu ingreditur, in primis in iis, qui saturatori pollent sanguine, quique iratum animum in imis medullis infixum diu satis pectore secum solent ferre. Inter indignationem & iram acute quidem distinguit CARTESIUS *****. Illam fieri sibi aliisque persuadet, cum malum ab aliis patratum non ad nos defertur; hanc existere contendit, cum mala ad nos de-

* ERASISTRATUS apud Celsum in Præfatione.

** SENECA libro de Tranquillitate animæ.

*** BARTHOL. de MOOR p. 195.

**** PLINIUS Lib. xxix. cap. i.

***** JUVENAL. Satyr. x. p. 218.

***** CARTESIUS de anim. p. 11. p. 30.

deferuntur. Sed audiamus rationes, quæ ex multis in iratis observatis vobis cum communicaturus sum, ex quibus aliquando etiam sub ira cum metu conjuncta pallorem oriri posse, non mendose conligimus. Motum enim sanguinis nimis abunde testantur violenti animi adfectus & per aliquod temporis intervallum commorantes. Tenerrima nervorum enim structura, musculorum stratum mirabili efficacissima-que ratione quadam mutatur, figitur, depravatur. Facillimo cum negotio morborum Ilias in nostræ machinæ humanæ regionibus producit, alitur, fovetur. Porro iratis celeriores oculi ictu mutationem in arterias, nervos grassantem, labescentia genua, denegatum adpetitum, stantes comas, hærentes voces, spumantem salivam, celeriores sudores aliaque ex turbationibus ejecta excrementa adscribit HELMONTIUS. * Quæ si confidero, iram talem simul meticulosam ad pallorem, morbosque ad sanguinis aliquando defectum spectantes posse deduci, nullus dubitaverim. Deficiente stomachi viscerum-que legitimo officio, quæ chylum præparare debent, adfectis, depravatus sanguis oritur, ex quo pallores, tremores, siccitatesque facile intelliguntur. Quod vero non omnes iracundi, amari, acerbi, stomachosi, rabiosi, clamosi, difficiles, asperi, morosique, quos cum iracundissimis ac pro corporis captu pugnacissimis apibus convenire, satis ingeniose arbitratur SENECA **, non semper tristi pallore insigniantur, sed insimul etiam pro diversa solidorum

* HELMONTIUS in S. I.

** SENECA. Lib. de clem. X.

rum fluidorumque mixtione non raro rubeant, ex
iis, quæ persequar, patefcet.

§. XVII.

Irati cur sæpe rubeant, miraberis lector, & li-
cet mireris, cum homines ira commoti pallorem in-
duant æque ac ruborem. Qui calido fervent tem-
peramento, qui vasis robustis gaudent atque contra-
ctis, qui viscerum validorum robore, perenni hu-
morum motu notabili, densitate, & acretudine tur-
gent, nobis minantur oculorum flammæ, oris rubo-
rem, sanguinis æstum, labiorum quassationem, den-
tium compressionem, capillorum horrorem, maxilla-
rum stridorem, vehementem membrorum soni-
tum, sermonum titubationem, manuum complo-
sionem, humum pulsantium pedum fragorem, cor-
poris agitationem, animi minas, faciei lurorem, tu-
morem, talemque furorem, qualem furentibus in-
esse dixit SENECA *. Juxta SENNERTUM egregia
& irascibilis, si credere fas est, vis cordi est, quæ in
iracundis vasa dilatat, & rarefacto sanguine replet i-
ta, ut deinceps rubedo tanta, quanta est, omnes cor-
poris regiones colore. Rubemus autem aliter, quan-
do commovemur ira, aliter, cum nos verecundia
virginali rubore insignire solet. Ast audiamus
humanæ naturæ interpretem BERGERUM,
** Non cor enim sed cerebrum animi mo-
tuum sedem esse adfirmat. Quia vero pendulæ &
maxime mobilis machinæ cordis pulsatio, ac varia san-

* SENECA de Ira c. 1.

** BERGERUS de humana natura cap. XXX.

sanguinis pressio ab inlustri de MOOR inlustrata insigniter in metu pallorem, in pudore rubedinem, in ira vehementiorem ruborem, oculorumque ardorem per vultum, per os, per genas, per frontem, per lineamenta, per respirationem, per vocem, per artus, perque totum corpus prodit, adjuvat, alit, olim data est huic errori occasio, quo cor mentis commotionum sedes & officina a veneranda medicorum antiquitate superstitiose venditabatur. Varia enim objecta, varii adfecti nervi, varie fabricati sensus, varia cerebri loca, varii motus jucundi, injucundique ideam, quam sub amoris odiiq; imagine repræsentamus, conciliare nobis possunt. Sicut enim sanguinis mixtio & motio in nobis variat succique nervosi indoles; ita ad hanc, vel illam mentis agitationem sumus proxi & nos laetos nunc, modo tristes esse sentimus. Quem duplicem in nobis motum sanguinis, animi, succique nervosi copiose & subtiliter satis dispescit in varios adfectus **CARTESIUS** *. Adcedit, quod irati ita sint comparati, ut ipsa mentis conditio, cum ex amore, tum ex odio excitet muscularem ejusdem generis motum, cujus ministerio objectum cum corpore cogitationeque uniri queat. Hinc intelligimus, quæ ratione quibusdam individuis hæc illave res, quæ aliis dulcedinis non parum, vel minus detrimenti promittit, in odio sit Vatiniano, ut eamdem neque oculorum acie, nec aurium adceptione, nec linguæ, nec odoris, nec tactus sensu percipere possint, quin corporis & animi horrorem & perturbationem ostendunt, & utroque stigmatibus suis innotescunt.

* **CARTESIUS** Lib. de Pass. anim.

dant, ut non raro in mentis incidere cogantur deliquia. Nonne multis, nescio, quodnam malum minitantur butyrum, caseus, rosa, gladius evaginatus, sanguis, felis, mus, aliaque? Nonnulli nimis suaviter incomprehensibiliterque de atomis, simplicibus monadibusque philosophantur, ut, cum tot tantaque miracula ex nihilo esse debeant, aliquid in cerebro febricitante fuisse horumque mirorum effectuum causæ videantur. Hæc & corporis meatuum habitudo a quibusdam in notis ejusdem carminis solvendis tamquam Alexandri multipotens gladius, adhibentur & defenduntur.

C A P. II.

D E

ANAEMIAE CAUSIS.

§. XVIII.

Siquidam homines palleſcant, oportet ut horum causas eruamus. Quomodo quæſo nonnulli rubere poſſunt, niſi ſano ſint ſanguine, qui nec qualitate, nec quantitate ullo tempore limites ſuos excedat? Quomodo ſanguis boni indolis eſſe poteſt, niſi vaſa & in hæc fluens humanus latex amice inter ſe conſpirent? Quid? quod liquoris purpurei natura vel omni vel ex aliqua parte ab gratioſæ artis miniſtris poſſit corrigi emendarique? Quomodo explebit ſano vaſa ſanguine extremasque corporis plagas medicus, niſi liquoris robur atque facultatem ita dirigere potue-

rit,

rit, ut motus vehementior in sanguine exortus per inventas a STENONE glandulas miliares sic dictas perque papillas nervorum pyramidales e MALPIGHII * corporis reticularis foraminibus protuberantes inque cutis superficiem ad cuticulam spectantes prorumpere queat? Ex quibus quasi fontibus exsilit omnis corpore humano humor, non est hujus loci universæ cutis multiplicia effluvia a WILLISIO ** detecta, BOYLEANISque experimentis inlustrata ante lectoris oculos deferre. Nec persequar cutis pororum dilatationem, ut ex iisdem interdum sebaceæ pituitæ copia, sanguis, calx, podagrica materia, arenula, serum, pisum aut hordei granum aut tantum non si fides observationi tribuenda minimi digiti extremitas elabi queat ab oculatissimo LINDENIO *** observata.

§. XIX.

Satis notum perspectumque esse arbitror, quamnam Sanctorianæ perspirationis materia, ratio, effectus, necessitas & utilitas sit. Vasculorum ex epidermidis squamulis oblique patefcentium, subtilitatis detectæ gloriam uni debemus grate LEEWENHOEKIO: Exhalationes perficiuntur rite, si humores subtilissimi ex omnibus corporis exhalent; si æquabiliter emittunt effluvia; si sensuum percipitur le-

D

vitas

* MALPIGHIUS in suis operibus Anatomicis.

** WILLISIUS Pharm. R. p. 11. 8. 111. c. V.

*** LINDENIUS Cap. XVI. art. 13. §. 24.

vitas; si ex SANCTORII regula ad stateram pondus
 augetur; si post somnum deprehenditur augmentum.
 SANCTORII * Regulæ de perspiratione servari
 possunt; si adficimur; conservamur; augemur; &
 quoad viscera restituimur. Quoad fibras corpusque si
 nos movemus; si modica venus exercetur; si su-
 damus. Il vero, qui sanguinis pauperie depravati
 vivunt; sentiunt horum, quæ jam supraque comme-
 moravi, nullam utilitatem. Nam omnia viscera,
 quæ per vasa sanguinem premunt, perspirationem ea
 lege juvant, ut deinceps nulla ex parte in sanguinis
 natura deprehendatur vitium. Si vero, sanguis,
 pravus est, si genuinus sanguinis motus deficit
 non ob pulmonum torcular, ut putat MAURO-
 CORDATUS ** læsus, si vasa non iusta sanguinis
 copia replentur, quomodo rubedinem, qui ex san-
 guinis laborant inopia, poterunt præ se ferre?

§. XX.

Humano latice multis in partibus carentes ex
 insigni laborant lassitudine. Socordia, torpor, de-
 fidia sanguinis ob defectum exorta consumunt vi-
 res; mali liquoris indoles, qua ægrotat sanguis, red-
 dit spiritum & sanguinis motionem inertem. Hinc
 non agere vitam, sed trahere, videntur ejusdem
 generis.

* SANCTORIUS Medicina Statica.

** MAUROCORDATUS in Tract. de pnevm. in-
 strum. sanguin. circ.

generis coloris homines. Sive enim motu peccet sanguis, sive deficiat non rite se habentibus globulis; utroque spirituum motus redditur tardior adeoque inertes, somni pleni, imperiti, indocti, inculti, pigrique fiunt illi sanguinis pauperie perciti, nonnullorum peregrinantiumque mores qui cochlearum tarditate alios vincere solent, scite imitari sciunt. Hinc patet, quod juxta * HIPPOCRATEM anima cum ignis & aquæ temperamento conveniat. Sive enim ignis æstuet, sive abundet aqua in sanguine utraque ratione læditur sanguinis motus.

§. XXI.

Sensus pro mea opinione nihil aliud sunt quam excitatæ per moti objecti ad tacti in nervi superficie mutationes. Objectum enim quodvis aut figura, mole, duritie motuque nostros adficit sensus. Porro liberorum nervorum mutationes in singularem propagantur cerebrosæ medullæ plagam. Quæ mutationum generatio sensationum est principium. Quod quidem ita simplex parvumque est, ut vere, exceptis illis, quorundam simplicium Philosophorum simplicibus, simplicius nihil possit indagari explicarique. Deinceps illud Principium est oriundorum a cerebro spirituum commodorum liberum. Spiritus si deficit, sanguis minus valet. Ergo sensus in iisdem viget minus. Inde in corpore debilitas,

D 2

tas,

* HIPPOCRATES in libro de diæta Lib. VIII. P. 7.

tas, ubi sensus interni fortiter suo funguntur munere, intelligitur, & cur cæci sint oculi, mortua sit aurium cupido, nervearum in lingua papillarum sensatio insipida, tactus insensibilis, nasus nihil adci-
piens.

§. XXII.

Temperamentorum ratio, quæ in omnibus variat individuis, insignitur hac, qui ex sanguinis egestate laborant, liquoris rubicundi penuria. Qui multa abundant bile, quam maxime sunt propter spirituum sic dictorum dissipationem ad hunc morbum proclives: Atra vero insigniti bile ob vasorum rigorem fluidorumque tenacitatem in hanc liquoris pauperiem sunt idonei, quibus sanguis vero est in mundus, eo facilius ad hujus purpurei laticis imbecillitatem deducuntur, quoniam ob nimiam luxuriam, venerem, & ob alia sanguinem depravandi media, sensim paulatimq; imminuitur sanguis, ut illi antea sanguine turgentes nunc in omnibus artubus notabilem ostendant imminuti sanguinis quantitatem atq; qualitatem. Quæ de temperamentis eum in finem non adduxi, quasi si tres has classes tantum in hac hominum multitudine statuere vellem. Absit id ut sic existimem, ut potius cum THOMASIO, quot sunt individua, tot etiam esse temperamenta, nullus dubitem. Interim cum RIDIGERO, * GALENI ca-
lidum

* RIDIGERUS in diætæ ernditor. p. 50.

lidum, frigidum, humidum ficcumque ex sanguine duplici bile & phlegmate ortum non prorsus rejiciendum, arbitror. Quæ tamen omni ex parte reprobatur HELMONTIUS.* Modestius paulo eadem ridet fama celebris BERGERUS,** qui THOMASII sententiam amplexus temperamentorum differentiam sexui, ætati, vitæ generi, victui, regionum incolatui, feri, aquæ, locis, corporibus eorumque circumstantiis adscribere nullus veretur.

§. XXIII.

Peculiari vero conspiciuntur colore. Pallidus scilicet; ex quo omnes illorum partes albescent, color in primis a minima sanguinis quantitate dependet. Quum enim pallidus sanguinis color non tantum a cordis motu sanguinem ex LOWERI*** sententia continuo in cerebrum cerebellumque pro exstillandis spiritibus transmittente, sed a cerebro etiam ejusdemque opera & purpurei laticis copia ortum trahat suum; pallidus e contraria parte a sanguinis defectu; cordis imbecilli motu, spirituumque e cerebro provenientium inertia initium capit suum. Ubi vero minor sanguinis motus, ibi imbecillior deprehenditur calor. Hinc AVERRHONES
D. 3. alba

* HELMONTIUS p. 34.

** BERGERUS in humana natura p. 109.

*** LOWERUS in tract. de corde p. 11. p. 99.

alba frigida, hoc est, minus commota apud LAURENTIUM * arbitratur.

§. XXIV.

Sitim definitio per potus inexplebile desiderium. Excitatur vero rara bibendi libido aut a nimia fibrarum humiditate; aut ab humorum aquosa indole, aut a frigore. Quæ jam memorata omnino suum locum in iis, qui sanguinis sentiunt penuriam, non obscure deprehenduntur. Quod si humor enim palmarius, puto sanguinem, nimio frigore, depravata dulcedine, pituitosa & aquosa indole polleat; tunc temporis sitis evanescit. Hinc nec contra CORNARI regulas ** peccant, nec concoctiones ex hoc capite adeo sæpe lædunt. Quarum errores & vitia false perstringit in non paucis luxuriæ, communi medicorum nutrici, deditis GESNERUS *** æque ac MACROBIUS. **** Verum enim vero quum enim morbus omnis appetitus & digestionis vocari jure meritoque possit orbator; intelligitur sane, cur sanguine non nihil orbatu sitim sentiant imbecillem. Solidorum adpe-

* LAURENTIUS in anatomicis observ. p. 944.

** LUDOVICUS CORNARIUS de vita sobr. p. 100.

*** GESNERUS apud STUKKIM Antiq. Conviu. III. 2.

**** MACROBIUS in Saturnalibus VII. 4.

adpetentia, nempe fames, fluidorumque, five
sitis, unice a causis corporeis, mere mechanicis,
sentiente HOFFMANNO, * in nobis elicitur.

§. XXV.

Multa adpetunt hoc morbo adfecti, deprava-
tumque aut ex inerte pituita, viscida, obruente,
bilis defectu, salium extinctione, laxis fibris, pu-
tridis fordibus, aquosa sanguinis indole aliisque
causis adpetitum abunde testantur. Ingluvies e-
nim hos adlicita, ut crapulam, quam acriter no-
tat COLUMELLA, ** quam lepide deridet
FLACCUS, *** quam juste damnat SENE-
CA, **** aliaque ejusdem furfuris luxuriam
testantia mirum in modum adpetant. Præter na-
turam, quæ in nostro fiunt corpore, negligunt hu-
manæ machinæ regulas; negligunt naturalem fun-
ctionum ordinem habitudinemque. Quem ad mo-
dum in omni morbo deficit adpetitus; sic inter-
dum crescit cibus fruendi libido. Caloris enim san-
guinis temperies, fermentalis liquoris in ventri-
culo & intestinorum natura turbatur morbo. Qua
systematica perturbatione perit ventriculi actio.
Hinc

* HOFFMANNUS in rationalis medicinæ systema-
te p. 179.

** COLUMELLA in præf. vitæ rusticæ L. I.

*** HORATIUS in II. Sermon.

**** SENECA in epist. XCV.

Hinc temere adpetunt, & ob solidorum fluidorum-
que tenuitatem celeriter quidem, sed minus bene,
digerunt.

§. XXVI.

Si carpis illorum manus medicas admovemus,
debilem arteriarum pulsum deprehendimus. Ex-
citatur hunc imbellis vis contracti cordis & muscula-
ris quidem, quam sic jure meritoque adpellitat
LOWERUS. * Excitat huc satis tenuis nervosi
liquoris minus fortiter in vasa influens facultas.
Hinc minus movetur sanguis. Excitat hunc nota-
bilis sanguinis inopia. Excitat hunc corrupti san-
guinis fluminis massa. Deficiente enim motu cru-
ditatis parum e sanguine eliminatur; cordis pulsus
ita fit lentus, ut horum sinistram sanguinis valetu-
dinem clare, non ut signum, sed ut causa ex HEL-
MONTII ** effato, ostendat. Eleganter non pau-
ca cedro digna de sanguinis pressione meditatus
fuit ingeniosissimus de MOOR, *** qui ex im-
minuto humani laticis pressu languorem debilem-
que pulsum oriri statuit.

§. XXVII.

Quam vero urina declaret nobis sanguinis in-
dolem,

* LOWERUS in tract. de corde.

** HELMONTIUS p. I. p. 114.

*** BARTHOLOMÆUS de MOOR p. 80.

dolem, observamus etiam in iis, quibus deest sanguis, notabile in urina discrimen. Spirituum inertiam, vasorum attritum, humorum acredinem testatur ille, levandæ vesicæ gratia, secretus humor viscidus, crassus, nimisque flavus. Quæ omnia unice depravatæ sanguinis massæ motuique adscribimus, quæ urinam, cujus materiem adlegat triplicem, nempe ex cibo & potu colorem; secundo urinæ necessariam qualitatem; tertio humidi colliquationem HIPPOCRATES,* sæpe impedit ita, quo minus citrina, limpida & flava esse possit.

§. XXVIII.

De perpetua novi chyli necessitate dubitabit nemo. Sanguine, cujus ministerio sustentatur mortalium vita, nullo carere possumus tempore. Si integræ est sanguis indolis, nobis declaratur sani chyli nota. In hujus lactis formam gerentis naturam paulisper inquiram & hac quidem mente, ut paucum pravumque sanguinem e vitioso corruptoque chylo oriri, demonstrem. Cujus lactescentis e cibis laticis vitia debemus pravæ manducationi, quæ huic sanguinis defectui varium in modum occasiones præbere solet. Detrimenti non parum ferunt deficientes ad morsum dentes; deficientes ad absolvendam manducationem musculi; deficientes utriusque maxillæ, linguæ, oris motiones. Hinc ciborum masticatio peccat ob salivam ab impuro arterioso sanguine secretam; ob vitiosi aeris admixtionem. Exinde provenit manca mali chyli

E pro-

* HIPPOCRATES. S. V. Libr. VI.

propulsio; debilis propter intestinales angustias a
WALTHERO * observatam in duodenum bilis ad-
 mixtio; mucosæ viscidæque lymphæ pancreaticæ effu-
 sio; impedita ob visciditatem in vasa lactea propulsio;
 superfuntoria chyli in glandulas meseraicas remora-
 conquassatio, dilatio, & forte tenuis spirituum e nervis
 admistio; chyli in lumbari cisterna non satis defæca-
 ti massa; utriusque ductus chyliferi laxitas; non
 satis anfractuosa utriusque tubuli structura; infirma
 minus contractilium membranarum latera; subcla-
 viæ rigiditas; chyli subclaviam ingredientis crassa co-
 pia, ægra cum sanguine miscela, minor in corde eius-
 demque auriculis sanguinis præfectio, pulmonum
 labe & reliqua viscera sanguini devota, quæ hanc cor-
 poris infirmitatem e sanguinis egestata propullu-
 lantem facile procreant.

§. XXIX.

Quemadmodum ad ingeniosi felicissimique me-
 dici **LOWERI** ** sententiam cordis ventriculos e-
 jusdemque vasa nimis implendo suffocat sanguinis
 abundantia: ita e contraria parte sanguis e jactura, de-
 fectu, vasorum inanitione ita laborans, ut cordis ven-
 triculi irritentur tantum, nunquam compleantur, no-
 bis mala multa minatur. Latex enim noster humanus
 jejunio, mœrore, languore, adfectu syncopali, febre
 aliisque morbis sanguinis vasa in motu suo turbanti-
 bus mirum in modum depravatur.

§. XXX.

Respirationis mutatio sæpe morborum iuxta
 HIP:

* **WALTHERVS** in differ. de vasorum angustiiis.

** **LOWERUS** in tract. de corde p 124.

HIPPOCRATEM * fons atque origo deprehenditur. Non adtingam e nativa indole, varia thoracis formatione, pulmonum, diaphragmatis, abdominis, ætatis, sexus, graviditatis, regionis, animi motum, corporis temperamenti, cæli, similibusque diversitate exortam alterationem. Sed eam tantum confidero quæ ob sanguinis imminutionem difficilem parit respirationem. Difficilis pulmonum explicatio; incommoda sanguinis transmissio; & sanguinis ad absolvendum in corpore iter cum impetu indoles non possunt non hujus generis ægrotantes in respiratione insignem in modum lædere. Hinc considerata respirandi facultas laudem suam meretur, utpote quæ ex BOERHAVENII ** sententia summi est momenti. Læsa enim cordis, pulmonum, cruoris, liquidi cerebellosi, pleuræ, thoracis, diaphragmatis abdominisque indoles hujus ministerio detegitur.

§. XXXI.

Præter hæc, quæ supra sunt commemorata, imminuta sanguinis quantitas facile potest intelligi, si nempe parantia chylum viscera deficiunt; si e chylo boni parum obtinetur; si sanguinis circulo sacra vasa languent; si communis sanguinis sedes labefacta deprehenditur; si sanguinis parum pallor, languor mentisque imbecillitas producat. Sed si quæritur an sanguis nutriat nec ne? Respondeo adfirmando pariter atque limitando. Nutrit enim nova coccinearum bullularum adpositione partes, sed non solum easdem alit ille ruber latex: multæ enim par-

E 2

tes

* HIPPOCRATES S. III. p. 289.

** BOERHAVENIUS in instit. p. 921.

tes optime nutritæ, vt cerebrum, glandulæ, membranaque rutila sanguinis parte non servantur: ergo rubicundus sanguis musculares rubras tantum, non alias nutrire videtur. Si vero modica nutriendi facultas adest, qua ratione vividi possunt esse homines, si vitali illo succo destituti tenentur vivere.

§. XXXII.

In primis harum sanguinis particularum, quas potius lubentiusque tantum non cum RIDIGERO * bullulas, quam globulos, nominaverim. Figura, & forma varium in modum læsa deprehenditur. E globuli definitione id patefcet. Globulus est quantitas rotunditatis soliditatisque capax. Bullula est quantitas rotunditatis & vacuitatis capax. Abs hoc, quod armatis adparet oculis rotundum, ad quamdam vacuitatem, quæ conpressionem quidem, sed nunquam ad figuram variationem admittit, non statim posse conligi, duxerim. Globos ex minoribus rubris conflatos pellucidos, sèroque innatantes admittit BOERHAVENIVS. Verum in quantum illius sententia valeat, nostri ingenii non est id ostendere. In præsentì tantum læsam sanguinis figuram, tamquam causam adlegamus, si nonnulli ob hujus laticis pauperiem ægrotant, si pallent, si debiliorem arteriarum pulsum in carpis suis nobis exhibent.

§. XXXIII.

Quum sit certissimum sanguinis figura sanguinem ad eliciendos morbos esse proclivem; facile est concipere, quantum non legitima sanguinis partium

CO.

* RIDIGERUS in diætâ eruditorum p. 569.

cohæſio ad retardandum motum valeat. Peringenioſus RIDIGERVS * hanc bullularum ſanguinearum cohæſionem adſcribit debili rubicundi humoris motui. Quem porro ſequitur minus felix particularum diviſio. Immo ſanguis non tam facile cohærens penetrat in ſubclaviam venam, licet duo inſignes ductus chyliſeri duo ſcalæ cujuſdam latera repræſentantes, quorum uſum ornat laudibus LOWERVS, ** nullum alium in finem, quam ut ſi fuerit alter obſtructus, per alterum aſcendat chylus, creati debent cenſeri.

§. XXXIV.

Quum quædam ingerimus, quædam adplicamus; quædam agimus; quædam retinemus, nutrimur modum ſervantes, & lædimus naturæ leges negligentes. Sine quarumdam rerum alibilium ingeſtione non diu ſervatur hominum ſanitas. Valetudinem noſtram a limine ſtatim debemus rite ſe habenti ſanguinis circulo. Laticis huius in nobis ſuave rubentis mutationes ſubſunt prævæ quantitatis, temperiei, fibroſitati. Quæ tria ſi in ſanguine ob defectum offendantur, inveniemus anaemiam noſtram. Ad averruncandam huius humoris egeſtatem ingerendis, ſua ſore HANSCHIO, *** opus habemus. Laudabilem aerem, alibilem cibum, temperatum potum, aptum interdum medicamen per cutis, narium ſpiracula, per oris, pulmonis, ceſophagi, ventriculi, inteſtinorum, ſequioris ſexus pudendorum meatus ingerimus. Quæ omnia aut in exceſſu, aut in defectu ingeſta hanc ſanguinis penuriam nobis parere poſſunt.

E 3

§. XXXV.

* RIDIGERUS in diæta erudit. p. 600.

** LOWERUS in tractatu de corde p. 218.

*** HANSCHIUS in corporis medicina c. 11. p. 116.

§. XXXV.

Agendo multum parumque nimis sanguinis massa redditur adesa. Liquor noster pudicolor nobis incipit deesse, si nimium corpus mentemque labore & meditatione commovemus; si vtriusque quiete nimia fruimur; si somni vigiliæque leges negligimus. Spirituum enim facultas vehementer imminuitur. Ex qua sanguinis lentor provenit. Inde suboritur canusini nostri iaticis defectus, quem anaemiam voco.

§. XXXVI.

Retinendo eadem, qua secundum rerum naturam secerni debebant, eademque, quæ retineri debebant discernendo sanguinis circulum mirum in modum posse deprauari, nemo erit, quem id lateat. Vtroque enim modo miniaci humoris nostri vigor decrescit. Sanguinis decremento deficiunt in nervoso systemate vires. Quibus fractis color & indoles sanguinis in peiorem massam vertitur atque mutatur.

§. XXXVII.

Adplicationes ambientis aeris, infani vaporis, temerarii fomenti, inhabilis vestis, intempestivi linimenti, nimiae frictionis, infruniti unguenti, inepti emplastri, incommodi balnei ad nostrum corpus adductæ & externæ eam ob rationem penuriam sanguinis faciunt, quoniam vehementer non raro impeditur transpiratio, turbatur sanguinis circulatio, chylopoëorum viscerum robur debilitatur, excretiones labefactantur.

§. XXXVIII.

Quum ex iisdem, quæ sum supra persecutus, non obscure pateat, quod non paucæ ansæ huic sanguinis penuriæ abs hominibus subministrantur, multisque in practi-

partibus dispares, artis apollineæ nati huic rubei liquoris pauperiei auxilium adlaturi nonnullis huic nouo sanguine notæque bonæ tollendæ infirmitati aptis medicaminibus vtantur. Hinc si ex quadam labore imbecillitate, roborando stomacho apta suppeditent ægris medicamina; aueruncent diætæ errores per lenia laxantia; irritent pertemperata ex balsamo quodam nobili, gelatina, croco, succino, castoreo conflata medicamenta sanguinis circulum; corroborent ægros per analeptica temperata, volatilia, spirituosæ immo aromatica. Aëgris hisce sanguine deficientibus medici suadeant boni succi cibos, spirituosos potus, corporis animique temperatas agitationes, ut bonus chylus impetretur; vt legitimus obtineatur sanguis; ut in suo seruetur circulo. Si exsanguies sunt homines interdum, quidni medici sanguinis copiam hisce conciliant? Num medicamenta tonum corroborantia prostant, quibus ad hanc tollendam infirmitatem medici vtentur? sanguinem procurent medici ex sanguibus: medicamina varia forma composita præscribant; quæ tria alimenta ex mente HIPPOCRATIS nempe cibum, potum, spiritumque in lacteum succum, sanguinemque convertant. Quæ corporis sanitatem, mentisque vigorem mirabili seruent augentque harmonia.

§. XXXIX.

Sic curent illi, quos desiderant exsanguies: ut sanguini dicata viscera reddant salva eademque per refocillantia tueantur medicamenta. Hæreant in iisdem commorentur curationibus. Sæpe ut in ægrorum horum naturam, indicationes, effectus inquirant. Sæpe vt quibusdam explorent medicamentis, quodnam viscus in primis fuerit adfectum. Ut in nulla re sanguificationem impediens ægris indulgeant. Ut aliorum medicorum vtantur consiliis,

filiis, quasnam secum foveant sententias. Ut cum adparuerint, cautissime vitæ, victus, naturæ rationem ægrotantium investigent. Ut temperatis utantur medicamentis. Ut corroborantia, quæ profuerunt, ad ægrorum tædium iterent. Ut ad interrogata firmis rationibus fidem medicamentis addant. Ut levissimos diætæ errores in medendo statim emendent. Ut per laxantia lenia & suavia vomitum cientia, quæ nocere putent, removeant. Ut addubitent confiteri, quid potius & quomodo, quod in primis in sequiori sexu est observandum, curaverint. Ut fideliter, prudenter, vere, quid caveant in cura & deinceps, demonstrent ægris. Ut interdum a regulis curationis declinent. Ut in medelis nec nimis experientiæ, nec nimis sanæ rationi fident.

§. XL.

Arabes, qui masticationem ciborum negligebant, aliaque ad sanguinis bonitatem spectantia, in odio vatiniانو has suas animas habuisse, dixerunt. Qua ratione? Quoniam, qui purpureum liquorem insuper habebant multos morbos adfectare videbantur. Quid ita? Quia necesse est, qui sanguinis vitiis dederint occasiones, variis implicari infirmitatibus. Quibus istis? Sanguinis abundantia, sanguinis malo habitu, sanguinis penuria. Quæ postea accidunt. Multa alia nociva in hos ægros incidunt. Cur? Quia fluida si turbantur, mutantur etiam aliqua ex parte solida. Quid? Sexus vterque sic, deducitur ad ANAEMIAM.

In hac vacui fuga, humanissime lector! menda sic emenda.
P. 4. l. 15. lege sesamo. p. 8. l. 15. l, p. 9. l. 15. l, p. 10. l. 17.
p. 10. §. 6. l. 13. hepate p. 13. §. 9. l. 23. enervanti, Veneri.
l. 24. exspissanti p. 14. §. 10. l. 19. æstum. p. 16. §. 13. l. 16.
per emissum sanguinem excedunt p. 18. §. 14. l. 17. equi-
tationis. p. 21. §. 16. l. 1. quas p. 24. §. 17. l. 10. nodis.